

175

10. des.

Nú telur stjórn sjóðsins nauðsyn til bera að verja fé úr sjóðnum til annarra safnaðarþarfa en þeirra, sem um getur í 3. gr., og skal hún þá leita samþykkis biskups þar um.

4. gr.

5. gr.

Tveir skulu endurskoðendur sjóðsins, kosnir á almennum safnaðarfundi til þriggja ára í senn.

6. gr.

Stjórn sjóðsins skal ávallt þannig skipuð, að prestur sá er þjónar Kolbeinsstaðakirkju sé formaður, en meðstjórnendur séu sóknarnefnd Kolbeinsstaðakirkju og hreppstjóri Kolbeinsstaðahrepps, en eigi hreppstjóri sæti í sóknarnefnd, skal kjósa einn mann í stjórnina á almennum safnaðarfundi, til þriggja ára í senn. Formaður varðveitir og ávaxtar fé sjóðsins í samráði við biskup og undir yfirumsjón hans, sér um ritstörf og aðrar framkvæmdir, sem stjórnina varða.

7. gr.

Stjórn sjóðsins heldur þessar bækur:

- a. Kassabók. Í hana skal færa allt, sem greitt er úr sjóðnum, hverjum og fyrir hvað, og allt innkomið, frá hverjum, og ef um minningargjafir er að ræða, þá hverjar.
- b. Aðalbók. Í hana skal færa fundargerðir, allar ákvarðanir, sem sjóðinn varða, svo og ársreikninga hans, en þeir skulu, ásamt með fylgiskjölum, endurskoðaðir og samþykktir, sendir til biskups eigi síðar en 15. marz ár hvert.

8. gr.

Þegar skipulagsskráin hefur öðlzt gildi, skal færa hana inn í aðalbók sjóðsins.

Reykjavík, 7. desember 1948.

Guðný Guðnadóttir. Kristján Eggertsson.

176

10. des.

JARÐRÆKTARSAMÞYKKT

fyrir Búnaðarfélag Glæsibæjarhrepps, Búnaðarfélag Skriðuhrepps og Búnaðarfélag Öxnadalshrepps í Eyjafirði.

1. gr.

Búnaðarfélög Glæsibæjarhrepps, Skriðuhrepps og Öxnadalshrepps gera með sér svofellda jarðræktarsamþykkt á grundvelli laga nr. 7 12. jan. 1945.

2. gr.

Tilgangur með ræktunarsamþykktunum er:

1. Að ræsa fram land til túnræktar, garðræktar, engjaræktar og beitiræktar.
2. Að vinna að jarðvinnslu á tünnum jarða á samþykktarsvæðinu, sem ekki eru véltæk.
3. Að taka að sér jarðvinnslu til nýræktar túna og garða.
4. Að framkvæma sléttun engja, svo þær verði véltækar.

Allt þetta skal framkvæmt í samráði við trúnaðarmann, sem Búnaðarfélag Íslands samþykkir til að hafa á hendi undirbúning um, hvernig verkin skuli framkvæmd og eftirlit með framkvæmd þeirra. **176**
10. des.

3. gr.

Framkvæmdastjórn ræktunarsambandsins annast allar framkvæmdir. Um kaup á vélum og áhöldum skal hafa samráð við verkfæranefnd ríkisins.

4. gr.

Skylt er að tryggja vélar og áhöld fyrir sannvirði eins og það álizt á hverjum tíma.

5. gr.

Verkbeiðnir félagsmanna skulu komnar til framkvæmdastjórnar ræktunarsambandsins fyrir lok febrúarmánaðar ár hvert, ella er ekki skylt að taka þær til greina á því ári. Heimilt er stjórninni, ef hún telur þess þörf, að krefjast ábyrgðar á vinnukostnaði .

6. gr.

Að fengnum verkbeiðnum skal gera áætlun um framkvæmdir á árinu, skal þess sérstaklega gætt:

1. Að þær jarðir, sem minnst véltækt land hafa, sitji fyrir vinnu, eftir því sem við verður komið, án þess að valda óhæfilegum kostnaði í flutningi véla og verkfæra.
2. Að túnasléttun sé að öðru jöfnu látin sitja fyrir öðrum jarðræktarframkvæmdum.
3. Að land það, sem brjóta á til ræktunar, hafi verið ræst fram á fullnægjandi hátt, að dómi trúnaðarmanns Búnaðarfélags Íslands.
4. Að framræsla bithaga komi því aðeins til greina, að fullnægt hafi verið framræsluverkefnum vegna tún-, garða- og engjaræktar, á þann hátt, að það tefji eigi jarðvinnsluna, svo því marki verði náð, að allur heyskapur verði tekinn á vélferu landi.
5. Fari verkbeiðnir fram úr áætluðum ársafköstum vélanna, skal skipta vinnunni milli hreppanna í hlutfalli við landverð þeirra.

7. gr.

Kostnaður við framkvæmdir samkvæmt samþykkt þessari greiðist af verkkaupendum. Heimilt er stjórninni að láta greiðslur fara fram eftir áætlun miðað við tímaeiningu meðan verkið stendur yfir, en fullnaðargreiðsla sé byggð á reikningsskilum í árslok.

8. gr.

Til reksturskostnaðar telst greiðsla vinnulauna, reksturs-, viðhalds- og geymslu- kostnaður véla og kostnaður við flutning véla og áhalda milli vinnustaða, fyrningargjald, vextir og afborgun lána og stjórnarkostnaður. Heimilt er stjórninni að leggja á framkvæmdakostnað áhættuþóknun, er nemi allt að 5% af heildarkostnaði ár hvert. Skal því fé varið til að mæta óhöppum, er fyrir kunna að koma og ekki fást greidd úr fyrningarsjóði.

9. gr.

Heimilt er stjórninni að láta vinna að öðrum verkefnum, en að framan greinir, ef hagkvæmt þykir, enda brjóti það eigi í bága við hagsmunum samþykktaraðila.

176

10. des.

Búnaðarfélag þau, er að samþykkt þessari standa, kjósa á aðalfundum sínum einn mann hvert í stjórn ræktunarsambandsins, til tveggja ára í senn. Gengur einn maður úr stjórn árlega. Tvö fyrstu árin ræður hlutkesti, en síðan röð eftir starfsaldri.

Stjórnin skiptir með sér verkum. Formaður boðar til funda og stjórnar þeim. Ritari sér um bókun fundargerða. Gjaldkeri hefur á hendi reikningshald yfir allar þær framkvæmdir, sem gerðar eru á grundvelli samþykktar og annast allar innheimtur og greiðslur eftir ávísun formanns. Þrír menn skulu kjörnir til að endurskoða reikninga ræktunarsambandsins, einn frá hverju hreppabúnaðarfélagi, er að samþykktunum standa. Skulu þeir kjörnir til þriggja ára í senn og gilda um kosningu þeirra og starfstíma sömu reglur og stjórnarnefndarmenn.

11. gr.

Aðalfund ræktunarsambandsins skal halda eigi síðar en 10. apríl ár hvert. Á honum eiga sæti fulltrúar hreppabúnaðarfélaganna, sem kjörnir eru á aðalfundum þeirra, einn fulltrúi fyrir hvern tug félagsmanna eða meira en hálfan tug.

12. gr.

Búnaðarfélagin í ræktunarsambandinu mynda sameiginlegan stofnsjóð til véla-kaupa. Stofnfjárhæð hans er 100000 — eitt hundrað þúsund — krónur.

Tekjur sjóðsins eru:

1. Helmingur stofnfjárins er óafturkræft framlag hreppabúnaðarféлага í ræktunarsambandinu og miðast framlög félagsmanna við fasteignamat landverðs jarða á félagssvæðinu, samkv. fasteignamati frá 1942.
2. Helmingur stofnfjár er framlag framkvæmdasjóðs ríkisins samkv. ákvörðun 9. gr. laga um jarðræktar- og húsagerðarsamþykktir í sveitum, jafnóðum og það greiðist úr framkvæmdasjóði.

13. gr.

Heimilt er framkvæmdastjórn að taka rekstrarlán gegn tryggingu í þeim jarðræktarstyrk, er á umbæturnar verður greiddur úr ríkissjóði samkvæmt II. og V. kafla jarðræktarlaganna.

14. gr.

Reikningsár ræktunarsambandsins er almanaksárið. Skulu endurskoðaðir reikningar lagðir fram á aðalfundi ræktunarsambandsins ár hvert. Þar skal og lögð fram skýrsla um starfsemina á síðastliðnu ári og rædd framtíðarverkefni.

15. gr.

Breytingartillögur við samþykkt þessa skulu sendar til formanna hreppabúnaðarfélaganna, er leggja þær fyrir aðalfund til umsagnar áður en þær eru lagðar fram á lögmatum aðalfundi ræktunarsambandsins. Samþykki löglegur aðalfundur þær með minnst $\frac{3}{5}$ atkvæðisbærra fundarmanna, skulu þær sendar Búnaðarfélagi Íslands, er leitar staðfestingar landbúnaðarráðherra á þeim.

16. gr.

Samþykkt þessa má því aðeins nema úr gildi, að $\frac{3}{5}$ fundarmanna á lögmatum aðalfundi samþykki það, enda komi samþykki landbúnaðarráðherra til. Verði þessi samþykkt felld úr gildi, verður stofnsjóður og fyrningarsjóður áfram félagseign bænda á ræktunarsambandssvæðinu eða skiptast á milli búnaðarfélaganna, er að samþykktinni standa, eftir sömu hlutföllum og stofnsjóður er myndaður.

17. gr.

Með brot á samþykkt þessari skal farið sem almenn lögglumál.

176

10. des.

18. gr.

Samþykkt þessi gengur í gildi er hún hefur verið staðfest af landbúnaðar-
ráðherra.

Samþykkt þessi, sem er sett samkvæmt lögum nr. 7 12. janúar 1945, um jarð-
ræktar- og húsagerðarsamþykktir í sveitum, og reglugerð nr. 36 20. febrúar 1946, um
jarðræktarsamþykktir, staðfestist hér með til að öðlast gildi þegar í stað, og birtist
til eftirbreytni öllum þeim, er hlut eiga að máli.

Landbúnaðarráðuneytið, 10. desember 1948.

Bjarni Ásgeirsson.

Arni G. Eylands.

AUGLÝSING

177

10. des.

um innheimtu skemmtanaskatts fyrir árið 1949.

Ákveðið hefur verið að nota heimild laga nr. 84/1948 til þess að innheimta
skemmtanaskatt af kvikmyndasýningum með 200% álagi og af öðrum skemmtunum
með 20% álagi árið 1949.

Leiksýningar, hljómleikar og söngskemmtanir innlendra manna, svo og sýn-
ingar á íslenskum kvikmyndum eru undanþegnar skattaúkanum.

Menntamálaráðuneytið, 10. desember 1948.

Eysteinn Jónsson.

Birgir Thorlacius.

REGLUGERÐ

178

13. des.

um kennslu og próf bifreiðastjóra.

I. KAFLI

Um hið almenna bifreiðastjórpróf.

1. gr.

Sérhver sá, sem vill fá ökuskirteini, sem heimilar honum að stýra bifreið, skal
senda lögreglustjóra skriflega umsókn um það. Eyðublöð undir umsóknir fást hjá
lögreglustjórum.

Með umsókninni skal umsækjandi senda:

- Fæðingarvottorð.
- Vottorð tveggja valinkunnra manna um, að hann sé áreiðanlegur og samvizku-
samur.
- Hegningarvottorð.
- Samþykki lögreglustjóra í heimasveit umsækjanda, ef hann sækir um ökuskir-
teini utan heimasveitar sinnar.